

ZOI'84
Olimpijski centar
Sarajevo



ZOI'84
Olympic Centre
Sarajevo

UPRAVA I STRUČNE SLUŽBE

Broj: 2458 /22

Sarajevo, 21.06.2022. godine

Na osnovu člana 64. stav (1) tačka b) i člana 70. Zakona o javnim nabavkama Bosne i Hercegovine („Službeni glasnik BiH“, broj 39/14), člana 42. Statuta KJP ZOI'84 OCS d.o.o Sarajevo, te prijedlog-preporuka Komisije za nabavke broj: 2459/22 od 20.06.2022. godine, Direktor, d o n o s i:

ODLUKU o izboru najpovoljnijeg ponuđača „SANACIJA ASFALTNIH OŠTEĆENJA NA PRILAZNIM PUTEVIMA“

Ovom Odlukom vrši se izbor najpovoljnijeg ponuđača „GP Ing „ d.o.o. Sarajevo u postupku nabavke: SANACIJA ASFALTNIH OŠTEĆENJA NA PRILAZNIM PUTEVIMA“

II

Izabrani ponuđač je dužan u roku od 5 (pet) dana od dana prijema ove Odluke o izboru najpovoljnijeg ponuđača dostaviti dokaze predviđene članom 45. Zakona o javnim nabavkama, u formi i sadržaju kako je to zahtjevano u tenderskoj dokumentaciji ovog postupka nabavke. Dokazi moraju biti fizički dostavljeni na protokol ugovornog organa najkasnije peti dan po prijemu Odluke o izboru, u radnom vremenu ugovornog organa (do 16h), te za ugovorni organ nije relevantno na koji način su poslani. Dokaz koji se zahtjevaju moraju biti originali ili ovjerene kopije.

III

Nakon pravosnažnosti ove Odluke, ugovorni organ će pozvati izabranog ponuđača iz tačke 1 ove Odluke radi zaključenja ugovora kojim će se regulisati međusobna prava i obaveze vezane za predmetnu nabavku, u skladu sa odredbama Zakona o javnim nabavkama, odnosno poslati obavještenje ponuđačima koji su učestvovali u postupku nabavke.

Obrazloženje

Na osnovu Odluke o pokretanju postupka javne nabavke radova, broj: 1523/22 od 22.04.2022.godine kojom se odobrava nabavka radova: „SANACIJA ASFALTNIH OŠTEĆENJA NA PRILAZNIM PUTEVIMA“ i Rješenje direktora o imenovanju Komisije za javne nabavke, broj: 1537/22 od 22.04.2022.godine, proveden je konkurentski zahtjev javne nabavke u postupku Obavještenja o nabavci broj: 707-7-3-142-3-31/22 objavljenom dana 13.05.2022. godine.

Javno otvaranje ponuda u postupku predmetne nabavke održano je dana 27.05.2022.godine u 14:00h, ul.Alipašina bb, ulaz E dvorana Zetra, o čemu je sačinjen poseban Zapisnik o otvaranju ponuda, broj: 2089/22 od 27.05.2022.g. Svim ponuđačima isti je dostavljen putem maila-a isti dan. Otvaranju ponuda nisu prisustvovali predstavnici ponuđača.

Kantonalno javno preduzeće, ZOI'84
Olimpijski centar Sarajevo d.o.o

ID broj: 4200347000004

UINO broj: 200347000004

Rješenje broj: UF/I-431/04 od 15.12.2006

www.zoi84.ba

Adresa: Alipašina b.b
Sarajevo 71000

Bosna i Hercegovina

+387 (0) 33 212-035

Faks: +387 (0) 33 212-027

Račun: 102 050 0000095931

Union banka d.d

BiH 71000 Sarajevo



Komisija je prilikom otvaranja ponuda javno saopštila podatke o nazivu i sjedištu ponuđača, ukupnu cijenu ponude i eventualni popust, ne praveći tom prilikom uvid u sadržaj i validnost dostavljene dokumentacije. Na Protokol do roka određenog za prijem ponuda (do 27.05.2022.godine do 12h), pristigle su ponude sljedećih ponuđača:

- **GP Ing „ d.o.o. Sarajevo**
- **BUCOMERC d.o.o.**

Komisija je izvršila uvid u dostavljene ponude svih ponuđača koji su učestvovali u predmetnom postupku nabavke te je prilikom analize ponuda komisija utvrdila sljedeće:

- Da ponuda ponuđača **GP Ing „ d.o.o. Sarajevo** u iznosu od 39.600,00 KM bez PDV-a, koja u potpunosti ispunjava sve pravne, ekonomske i tehničke uslove utvrđene pozivom za dostavljanje ponuda, te je ista **ocijenjena kao formalno-pravno, ekonomski i tehnički prihvatljiva.**
- Da ponuda ponuđača **BUCOMERC d.o.o.** u iznosu od 37.500,00 KM bez PDV-a, koja u potpunosti ispunjava sve pravne, ekonomske i tehničke uslove utvrđene pozivom za dostavljanje ponuda, te je ista **ocijenjena kao formalno-pravno, ekonomski i tehnički prihvatljiva.**

Cijeneći činjenično stanje, Komisija konstatuje da su za javnu nabavku radova : „Sanacija asfaltnih oštećenja na prilaznim putevima pristigle ukupno 2 (dvije) prihvatljive ponude za Ugovorni organ.

Poštujući uslove tenderske dokumentacije kojom je predviđeno održavanje E-aukcije a sve u skladu sa Pravilniko o uslovima i načinom korištenja e-aukcije („Službeni glasnik BiH“ broj: 66/16). komisija je zakazala e-aukciju na portalu Javnih nabavki (www.ejn.gov.ba) za dan 01.06.2022.godine sa početkom u 12:00 sati i predviđenim početnim trajanjem e-aukcije od 10 minuta.

Nakon okončanja e-aukcije koja je trajala 10 minuta ,a shodno utvrđenom kriteriju „najniža cijena“, Komisija konstatuje da je:

- Cijena ponude ponuđača GP Ing „ d.o.o. Sarajevo u iznosu od 33.500,00 KM bez PDV-a je promijenjena u odnosu na cijenu početne ponude;
- Cijena ponude ponuđača BUCOMERC d.o.o. u iznosu od 33.900,00 KM bez PDV-a je promijenjena u odnosu na cijenu početne ponude.

Nakon svega gore navedenog te provedene e-aukcije, utvrđena je konačna rang lista ponuđača koji su ispunili kvalifikacione uslove i to kako slijedi:

Red.broj	Naziv ponuđača	Ukupna cijena ponude bez PDV-a, (KM)
1.	GP Ing „ d.o.o. Sarajevo	33.500,00 KM
2.	BUCOMERC d.o.o.	33.900,00 KM

ZOI'84
Olimpijski centar
Sarajevo



ZOI'84
Olympic Centre
Sarajevo

Ugovorni organ je u tenderskoj dokumentaciji broj 1781/ 22 od 12.05.2022. godine procjenjenu vrijednost nabavke odredio do iznosa 30.000,00 KM bez PDV-a.

Ponuđači GP Ing „ d.o.o. Sarajevo i BUCOMERC d.o.o. su nakon provedene e aukcije umanjili ponuđene cijene za 15,4 % i 9,6%, odnosno ponudili cijene u iznosu od 33.500,00 KM i 33.900,00 KM bez PDV-a. Ponuđene cijene su i nakon provedene e aukcije ostale veće od procjenjene vrijednosti nabavke.

Obzirom da ponude nisu znatno veće od procjenjene vrijednosti nabavke, Komisija je zatražila mišljenje od Odjeljenja za finansijske poslove o mogućnosti preraspodjele dodatnih sredstava potrebnih za nastavak postupka.

Dana 09.06.2022. godine Odjeljenje za finansijske poslove je dostavilo mišljenje broj 2315/22 kojim se daje sgalsnost sredstava za prenos finansijskih sredstava sa stavke broj 76, Plan nabavki broj 886-2/22 od 21.03.2022. godine.

Dana, 10.06.2022. godine Uprava preduzeća je donijela je Odluku o odobravanju dodatnih finasijskih sredstava za realizaciju predmetne nabavke do maksimalnog iznosa 4.000,00 KM bez uračunatog PDV-a, a shodno dostavljenom mišljenju .

Obzirom da je Uprava preduzeća obezbijedila nedostajući iznos sredstava, postupak se može nastaviti dodjelom ugovora ponuđaču GP Ing „ d.o.o. Sarajevo

Obzirom da ponuda ponuđača GP Ing „ d.o.o. Sarajevo u potpunosti odgovara traženim zahtjevima Ugovornog organa, da ovaj ponuđač ispunjava sve formalno-pravne, tehničke i ekonomske uslove odnosno zahtjeve ugovornog organa, odnosno da je njegova ponuda prihvatljiva za ugovornog organa, data je preporuka ugovornom organu da se u postupku nabavke radova SANACIJA ASFALJNIH OŠTEĆENJA NA PRILAZNIM PUTEVIMA, izvrši dodjela ugovora navedenom ponuđaču, kao najpovoljnijem, a koji je ponudio najnižu prihvatljivu ponudu, koja nakon e-aukcije iznosi 33.500,00 KM bez PDV-a, odnosno ukupno vrijednost Ugovora, od 39.195,00 KM sa uračunatim PDV-om.

Cijeneći navedeno donosi se Odluka kao u dispozitivu.

Pouka o pravnom lijeku

Svaki ponuđač koji ima legitiman interes za konkretan ugovor o javnoj nabavci i koji smatra da je ugovorni organ u toku konkretnog postupka dodjele ugovora prekršio jednu ili više odredbi Zakona o javnim nabavkama i /ili podzakonskih akata ima pravo uložiti žalbu ugovornom organu u roku od 5 (pet) dana po prijemu odluke o izboru, shodno članu 99. i članu 101. Zakona o javnim nabavkama, radnim danima u radno vrijeme.



Direktor KJP ZOI'84 OCS d.o.o.

Dostavljeno:

- Ponuđačim,
- Stručnim službama,
- web portal ugovornog organa,
- a/a.

Jasmin Mehić

Kantonalno javno preduzeće, ZOI'84
Olimpijski centar Sarajevo d.o.o
ID broj: 4200347000004
UINO broj: 200347000004
Rješenje broj: UF/1-431/04 od 15.12.2006
www.zoi84.ba

Adresa: Alipašina b.b
Sarajevo 71000
Bosna i Hercegovina
+387 (0) 33 212-035
Faks: +387 (0) 33 212-027

Račun: 102 050 0000095931
Union banka d.d
BiH 71000 Sarajevo